



# Շուշանիկ Կուրդիսյան

## Միրեցեք միմյանց

Մի տարվեք գերի նախանձոտ տենչին,  
Որ ատելության սերմեր է ցանում .  
Մարդուն բանավոր իբրև մի չնչին  
Խայթող իժ շինում միշտ, ամեն բանում:

Մի ձգտեք իշխել ձեզնից անգորին,  
Դավերի ոստայն մի ձգեք կյանքում .  
Հյուծվողի հյութը՝ ծծող հգորին  
Ուշ թե անագան կը բերի լքում:

Մի առեք արյուն ուրիշի մարմնից՝  
Իրավունք ունի ապրել ամեն մարդ .  
Կրծող որդերը կաղնու հաստ բնից  
Ողջը կքանդեն՝ կրծելով հանդարտ:

Մի ձգեք որոն դավանանքների .  
Կամ թե այլասեռ տղետ խտրության .  
Երկունքը մեկ է . նույն տանջանքների,  
Նույն բեռի տակ է մեծ ազգը մարդկան:

Միրեցե՛ք միմյանց անկեղծ, անարատ,  
Ո՛վ էլ որ լինեք, ուր էլ որ ապրեք .  
Միայն այդ սիրով կյանքը մեղապարտ

Կարող է հաղթել՝ առանց արհավիրք:

1907 թ. 29 ապրիլի